

KAEZHETABWAYANDUNGE BUN

KUHYA

KAEZHEWABEREPUN

Ow h Anuhmeand

KEAHNESHNAHBABEEGAHDAG

KEAHNEKENOOTAH TAHEUNG

OWH FREDERICK A. O'MEARA,

SWAHGAHNAUSHE MAKUHDAYAKUHNAYA MAHNETOAHNENG ANDUHRHE
KUHGEQUAD.



COBOURG:

PRINTED AT THE DIOCESAN PRESS,
FOR THE CHURCH SOCIETY OF THE DIOCESE OF TORONTO;

—
MDCCCXLIV.

CHAPTER I.

1. Fwh ahnuhmeahwen ahwun ahyundahwekezhegwah-nend Kuhya azhe buhmeetahwend Kesha Muhnedoo enene-wug azhemuhzenuahmahwahwaud undahkughwa tebanduhmeng enewh pahnukken oozhebeëgunun tahkushketoom e-ewh puggukkanduhmeng.

2. Magwah pahahbenoojëweyun kebeoonjekookckandahmun enewh pahnukken oozhebeëgunun kashkeawezemahgukken chenebwahkahegooyun emuh bemahjëwaweneng dabwayanduhmooweneng duhgooseng ayahmung emuh ooweyoueng ou Christ Jesus. 2 *Tim.* iii. 15.

3. Emuh oodenanduhmoozhewaweneng ou Kesha Muhnedoo Kegeoonjemenegoomen kuhkenuh enewh oodoozhebeegunun kuhya daahpetandahgwudoon chekekenooahman gooyungoobun, chekuhgekemegooyungoobun, chequuhyukwanduhmoonegooyungoobun, chekekenooahmahgooyungoobun emuh nebwahkahweneng, Kesha Muhnedoo oobuh meetahgun chequuhyukwahdezed wahweenga chewahwazheënd emuh kuhkenuh menooezhechegaweneng. 2 *Tim.* iii. 16, 17.

4. Oonoo nendekedoowenun kedahahsunjegoonahwaun emah kedaewaung kuhya dush emuh kechechaungoowaung kegahkuhkenuahmahwahwaug kenejahnesewaung oonoo, kegahduhzhendahnun uhpe namuhduhbeyunen kewege-wahmeng kuhya uhpe bemoosayunen mekunaung uhpe wahkuhweshemooyunen kuhya uhpe waneshkahyunnen.—*Deut.* ii. 18, 19.

5. Nundahkeekandahmook enewh oozhebeëgunun, me mah emuh anandahmahzooyag kahgega bemahdezewen me dush egoo enewh tebahjemegooyaunen. *St. John* v. 39.

6. Tahbussanduhmooweneng ezheoodahpenahmook ewh ekedoowen peenjenah kaahtagebun, kashkeawuk chebemah

jeaud kechechaugoowaun, doodahmook akedoomahguk, kahween pezhesheg kedahbezenduhseenahwah, tebenahwa wuhyazhendezooyag. *James* i. 21, 22.

7. Dooskahbeeshen kaoonjewahbundahmaun enewh ma-maundahwukken emuh kedahnahkoonegaweneng. *Psal* cxix. 18.

8. Enewh kahmooduken Jehovah kekeshamuhnedoome-naun oodebandahnun, enewh dush ween mazheshahweset-tahmahgooyungoon kenulwend kedebandahnahmen kuhyia kenejahnesahneg uhpuhna kahgeneg chemekendahmung kuhkenuh oonoo kuhgequawene ekedoowenun. *Deut.* xxix. 29.

CHAPTER II.

Kesha Muhnedoo azhewabezed.

Kesha Muhnedoo ahwe owh wazheewad kuhyia ganuhwanjegad manoodoodahgad kuhyia mahmahwe dabanengad.

1. Kesha Muhnedoo Oojechangoowe, oogoo edush andah-wekezhewahnegoojen tuhundahwekezhewunegoon emuh oojechangoowaung kuhyia emuh dabwaweneng. *St. John* iv. 24.

2. Ween suh keonjekerhechegahdawun kuhkenuh-uhyeen anduhgoogen, ewede eshpemeng kuhyia oomah uhkeeng ayahgen. *Col.* i. 16.

3. Owh Jehovah ween Kesha Muhnedoowe, ween suh begoo kegeoozheegoonann, kahween dush ween kennulwend kegeoozheedezoosemen, oonejahnesun kedahwemen kuhyia oomahneshtahneshemun ashummahjen. *Psal* c. 3.

4. Ween keedoonjebemahdezeimen kuhyia kedoontjemuh-mahjemen kuhyia kedoontjeahneshenahbawemen. *Acts* xvii 28.

5. Ahweyah nah oodahkushketoon chekahzood emuh kahmooduk, kuhnuhga chewahbuhmahsewug, ekedoo Owh Jehovah, kah nungwunah nemooshkunashkunse kezhek kuhyia uhkee, ekedoo Jehovah. *Jeremiah* xxiii. 24.

6. Ahwanan nahsaub anandahgoozeyun anandahgoozed O Jehovah Ahwanan nahsaub keen anandehgoozeyun anandahgoozed, Penezeweneng wanjepezhegahandahgoozeyun, emuh kootahmegoowahwezhandahgoozeweneng mahmaundahahnoo keeyun. *Exodus xv. 11.*

7. Keen O Jehovah kedebandaun kecheēnandahgoozewen kuhya ewh mushkahwezewen kuhya ewh pezhegahandahgoozewen kuhya ewh mahmauzhetwahwen kuhya ewh eshpandahgoozewen; kuhkenuh mah ayaugen emuh kezhegoong kuhya emuh uhkeeng keen kedooduhyeemenun. 1 *Chron. xxix. 11.*

8. Peeneze, Peeneze, Peeneze suh ahowh Tabanemaud Waquenoonejen *Isaiah vi. 3.*

9. Kesha Muhnedoo sahgeēdewenewe Bakahdezewene Kesha Muhnedoo Oodoogwesemaun wayoosesegoog, tabahkoonahmahwaud shahgahwenen ezhewabeze Kesha Muhnedoo emuh pezhegaudah gwudenegoodunduhnukkeweneng.

CHAPTER III.

1. Kahanahdezewaund kuhya kahenuhbewaund netum kahooketezemeyungoog Adam kuhya Eve.

2 Me dush Kesha Muhnedoo keoozheaud enenewun emuh tebenahwa oodenandahgoozeweneng emuh goo-oodezhenahgoozeweneng owh Kesha Muhnedoo oogekerheau eneewun kuhya equawun. *Gen. i. 27.*

3. Owh dush Jehovah Kesha Muhnedoo emuh weyuhgus saewung ewh ulikee oogeoonjeoonuhdenaun enenewun kenasad dush emuh oodanegoomeneng ewh bemahdezewene nasawen me dush kahezhe mahjeebemahezened oojechaugwun, ou enene. *Gen. ii. 7.*

4. Owh Jehovah Kesha Muhnedoo oogeketegahdaun ewh ketegahnanse emuh wahbuhnoong-enuhkayah ewh Eden, me dush emuh keahsaud enenewun kahoozheahjen chewahwazhesetooned kuhya cheguhnuhwanduhmened. *Gen. ii. 8, 15.*

5. OwH Jehovah oogeēnahkoonau enenewun cheooge-mahkunduhmened kuhkenuh enewh, oonenjeeng kahoozhetooujen kuhya kuhkenuh uhyēēn oogeahoomahwaun emuh oosettahneng. *Psaln viii. 6.*

6. OwH dush Jehovah Kesha Muhndoo ooge kuhgeke-maun enenewun oo oo keenaud, kuhkenuh anduhsawahkoose-waud egewh metegoog emuh ketegaunanseng paduhkezojeg, wanepuzh kedahaumwang owH suh atuh nebwahkahwene meteg kaonjekakanduhmengebung ewh waneshesheng kuhya ewh majeuhyeeweshewung, kahween kegahaumwahse; uhpe mahween goo kaaumwahwudan ahbetakummeg kegah-neb. *Gen. ii. 16, 18.*

7. O Jehovah Tabunemeyaung keche enandahgwud suh ewh kedoonoozoowen oomah anegookuhkummegaug uhkeeng. *Psaln viii. 1.*

CHAPTER IV.

1. Ewh ooneshwahnahdezewen owH enene kuhya noon-goom anahdezed emuh bahzabzeweneng ahnemezeweneng ookoo puddezeweneng kuhya oonebooweng.

2. Uhpe dush owH equa kahwahbuhmaud metegoon, oonesheshened cheaumoond kuhya menwahbuhmenah-goozened kuhya ewh chenebwahkaung mesahwandahgoozened metegoon oogeodahpenaun dush ewh azhe menewened, oogeaumwaun edush kuhya dush goo oogemenaun oonah-bamun kuhya ween dush goo oogeaumwaun. *Gen. iii. 6.*

3. OwH pazheg enene keonjepeendegamahgud ewh mujjeezhewabezewen oomah uhkeeng, mujjeēzhewabezeweneng dush keonjeemahgud ewh neboowen. Mesuh, neboowen kahoonjeahnekaodessegoowaud kuhkenuh enenewug, kuhkenuh mah kemujjeēzhewabezewug. *Romans v. 12.*

4. Kahween ahweyah quzyukezhewabezese kah kuhnuh ga pazheg; kuhkenuh kemujjeēzhechegawug kuhya keonodasawug emuh pezhegandahguddeneg ootebahkoonegaweneng owH Kesha Muhndoo. *Romans iii. 10, 23.*

5. Kuhgwahnesuggezewug suh kuhkenuh egewh, ahbeta-kummeg andoodunsegoog kuhkenuh emuh tebahkoonega-wene muzzeneguneng azhebeegahdagen. *Gal. iii. 10.*

6. Mujeëzhewabezewen tebahuhmeng, me neboowen Enahkoonegahzoowug kuhkenuh enenewug nengoodeng cheneboowaud eshqauj edush menuhwha chetebahkoonendwah. *Rom. vi. 23. Heb. ix. 27.*

7. Kagooween wahwezhanendezookan wahezhebemah-dezeyun wahbung, kah mahween kekekandusseen wahezhe-wabuk uhnenengookezhaguk. *Prov. xxvii. 1.*

8. Ahwahshema wuhyazhengashkemahgud oodawh dush ween ahnooj gagoo kuhya kuhgwahnesuggemujeëzhewabezemahgud; ahwanan kakekandungebun. *Jer. xvii. 9.*

9. Kahween kenuhwend tebenuhwa kekushketoosemen gagoo chetapuggukkanduhmung kekushkeawezewenenau Kesha Muhnedoong atuh kepeoonjeemahgud. *2 Cor. iii. 5.*

10. Kesha Muhnedoo shahwanemeshen neen bahyahtah-reyaun kagoo tebahkoonahkan kebuhmeetahgun O Jehovah emuh enuhsuhmuhbeyun mah kah weyah, menooezhewabezetahanemah. *St. Luke xviii. 13. Psalm cxliii. 3.*

CHAPTER V.

*Azhebemahjeëgoowaud egewh enenewug, Jesus Christun
Tabanenganejen.*

1. Ookahgega oogwesun owh Kesha Muhnedoo.

2. Mesuh oomah ahyang sahgeëdewen, kahween ewh kenuhwend kegesahgeahsewahnaun Kesha Muhnedoo ween atuh kegesahgeëgoonaun kuhya kebeezenahzhahwaud oogwessun chedebundoowenewened kaooujeekoowabenah-mahgooyung kemujeëzhewabezewenenahnen. *1 John iv. 4.*

3. Kahezhesahgetood suh owh Kesha Muhneedoo ewh uhkee tebenuhwa oogwessun oogemegeawanun. Wagwan dush kadabwayanemahgwan chebahnahdezeseg, cheahyang dush ewh kahgega bemahdezewen. *St. John iii. 16.*

4. Kah mahween owh Kesha Muhnedoo oogebeonjeezhenahzhahwahse oogwessun emuh uhkeeng chenahneboomahned akeewenejen, ewh suh goo akeewejeg ween egoo-acheonjebemahdezewaud. *St. John iii. 17.*

SECTION I.

*Owh Tabanemenung Jesus Christ Kesha Muhnedoo oogwessun,
Kesha Muhnedoowewun kuhya ween nahsaub enenewewun.*

1. Wahyashkud suh keahyah owh Ekedoowen kuhya dush owh Ekedoowen oogeweejewegoon Kesha Muhnedoon kuhya dush goo owh Ekedoowen Kekesha Muhnedoowe.— *St. John i. 1.*

2. Keche mahmaundahwud suh ewh menwahjemoowene kekanjegawen, Kesha Muhnedoo kemesheshahwahbuh menahgooze emuh weyhahseng. 1 *Tim. iii. 16.*

3. Nahsaub mah goo egewh wanejahnesemenjeg kahezhe duhgooahyahmoowaud ewh weyaus kuhya mesque me kuhya ween tebenuhwa kahezheoodahpenung oonoo. *Heb. ii. 14.*

4. Owh equa wanejahnesemahjen, mewun enewh, owh kenabeg kashahshahgoondebashkahgood.

5. Ewh kaezhenejahneseyun kuhkenuh anduhswayug-geseng oomah uhkeeng tahoonjeshahwandahgoozewug.— *Gen. xxii. 18.*

6. Abenooje kenuhwend keneegettahmahgoonaun, wagwewend kenuhwend kemenegoomen, emuh oodenemaunguneng oogahahyaun ewh oogemahwandahgoozewen. Mahmahkahdandahgoozed, Kagaundwad, Mashkahwezed Kesha Muhnedoo, Kahgegakummeg Wayoosemend, owh wagemahkundung pezaunbemaahdezewen tahezhenekahzoo. *Isaiah ix. 6.*

SECTION II.

Oodenenewewen kuhya obemahdezewen owh Christ.

1. Uhpe tabeshkoosanegoobunnan, Kesha Muhnedoo oogeppezhenahzhahwaun oogwessun equa kahnegeahjen.— *Gal. iv. 4.*

2. Me oogoo kahoonejeondahdezed emuh weyoweng Christ ween wagemahkundahwaud kuhkenuh bamahdezene-

jen manwahjemegoozed Kesha Muhnedoowed uhpna kah-
geneg Amen. *Rom. ix. 5.*

3. Ow h dush Ekedoowen kewayahseweah kuhya kege-
weejduhnuhkeemegooanaun kegewahbundahnaun edush oop-
peshegandahgoozewen, nahsaub anandahgwuddeneg oopesh-
egandahgoozewen tabenahwa wagwesemahjen ow h Wayoo-
semend maushkenashkahgood shahwandahgoozewen kuhya
tabwawen. *St. John i. 14.*

4. Kepuhbahmahdeze menoodoodahgad, Kesha Muhne-
doo mah oogeweewegewoon. *Acts x. 38.*

5. Nahsaub enanduhmook kenuhwah, kahanandung ow h
Christ Jesus. *Phil. ii. 5.*

SECTION III.

*Enewh kebahtahzewenenahmen keoonjekhooduggeegood kuhya
kahoonejenesegood ow h Christ.*

1. Kuhkenuh kenuhwend tahnahsah mahneshtahnesh-
shug kegeëzhewuhneshenoomen kuhya azhemenwandah-
mung kuhkenuh kenuhwend kegeezhepubhkamen kuhya
dush ow h Jehovah ooge bemoondahaun, kuhkenuh enewh
kebahtahzewenenahmen. *Isaiah liii. 6.*

2. Kemujjeëzhechegawenenahmen keonjeshuhshahgoo-
guhnamah, ween kepuhzhunzhawah kenuhwend cheoonje-
bemahdezeyung, ween dush oopukkettaegoowen kedoone-
nuhnaunduhweegoomen. *Isaiah liii. 5.*

3. Tebahkoonegawen chenahneboogoosewung, ow h
Christ kegeoonjekeshpenegooanaun, kenuhwend muh keoon-
jenahneboomah. *Gal. iii. 13.*

4. Ewh oomesqueemene ow h Jesus Christ Kesha Muhne-
doo wagwesesejen emuh kuhkenuh mujjeëzhewabezeweneng
kepeeneëgoomen. *1 John i. 7.*

5. Ow h kenuhwend kahoonejepuggedenedezood e ewh
chekeshpenenenung, kuhnuha chemujjeëzhewabezesewung,
kuhya dush chepeeneaud bamahdezeneneng, emuh menooez-
hechegaweneng maunwawezenejen. *Titus ii. 14.*

6. Me begoo nahsaub enanendezook e ewh nebookunduh-mag mujjeezhewabezewen, Kesha Muhnedoo bemahdezetuh-wag ween oonje Jesus Christ Tabanemenung. *Rom. vi. 11.*

SECTION IV.

Nasoogoonuhguddeneg keahbejebaud owh Christ.

1. Nasoogoonuhguddeneg keahbejebah debeshkoo goo pazhekandahgwukken oozhebeegunun akedoomahguk.—
1 *Cor. xv. 4.*

2. Christ emuh nebooweneng keonjeahbejebah kahween menuhwah tahneboose kahween kayahba tah kushkeegoosen enewh neboowen. *Rom. vi. 9.*

3. Christ ahzhe keahbejebah, ween dush netum keahbejebah menek nabahwaud *emuh nebooweneng*, ewh mahween eneneng keonjeemahgud neboowen, eneneng suh kuhya keonjeemahgud ahbejebahwen. 1 *Cor. xv. 20, 21.*

4. Nahsaub muh emuh Adameng kuhkenuh oonjenawug me nahsaub kuhkenuh keonjebemahjeendwah emuh Christ-eng. 1 *Cor. xv. 22.*

5. Enewh kemujjeezhechegawenenahmen keonjepuhgedenah, menuhwah keoneshkahibenah, menooezhewabezewug cheoonjeenanemegooyung. *Rom. iv. 25.*

6. Me muh e ewh chetebanemaud naboonejen kuhya bamahdezenejen, owh Christ keonjena kuhya keonjeooneshkah kuhya keonjeahbahkahweze. *Rom. xiv. 9.*

7. Ewh kahezheahbejebahegood ahowh Christ e ewh pezhegandahguddeneg oomushkahwezewen owh Wayoosemend mesuh nahsaub kuhya kenuhwend kaenoosayungoobun emuh ooshkebemahdezeweneng. *Rom. vi. 4.*

SECTION V.

Oombeshkahwen kuhya ookuhmoodahmahgawen owh Christ.

1. Magwah anahbewaud ahnooquud oogeoodahpenegoon kuhya ogekahzoogoon kewahbuhmahsegwah dush. *Acts i. 9.*

2. Ween owh Christ ahzhe kepeendega ewede goo eshpemeng kezhegoong noongoom edush kenuhwend cheoonjenahgoozed ewede anduhnezed owh Kesha Muhnedoo. *Heb. ix. 24.*

3. Oodahtakushkeاون edush chetabemahjeaud kulkenuh Kesha Muhnedoo kabenaunzekahgoojen kakanduhmeng ewh uhpena bemahdezed cheghunnoodahmahgood. *Heb. vii. 25.*

4. Ween owh Kesha Muhnedoo kegemenwanemegoonaun wanash ween owh naneboongad. Ween owh Christ ahwe kahnebood; aah undahwahgoo kahahbejebaud owh egoo ayaud ewede ookechenekaung owh Kesha Muhnedoo, ween kuhya goo kanooduhmoonenung. *Rom. viii. 33, 34.*

5. Mahnoo tuhgah tahwahwezhandahgooze, taheshpandahgooze kuhya tahpeshegandahgooze kuhya tahmushkahwandahgooze owh namuhduhbed emuh oodoogemahwuhbeneng kuhya owh mahneshtahneshans kahgeneg uhpunna kahgeneg. *Rev. v 13.*

6. Nundahwabhundahmook oonoo uhyeen eshpemeng anduhgoogen ewede Christ nuhmuhduhbed emuh ookechenekaung owh Kesha Muhnedoo. *Col. iii. 1.*

CHAPTER VI.

Ewh Oozhke Kekendewen.

1. Nenkekendewen kegahuhyeenjesettahmoon che kesha muhnedookundoonaun kuhya egewh kenejahnesug keeshquahbemahdezeyun, keen kuhya emuh dush kenejahneseng kuhkenuh kaduhswayuggezewaund oomah uhkeeng tahoonjeshahwandahgoorewug. *Gen. xvii. 7, xxii. 18.*

2. Jesus Christ ween ahwe owh kah kezhetood ewh nuhwuj ooneshesheng kekendewen, emuh nuhwuj menoo-weendahmahdeweneng kahahyeenjesechegahdag. *Heb. viii. 6.*

3. Owh ween Moses kegepeetahmahgoonaun ewh enahkeonegawen; Shahwandahgoozewen kuhya ewh tabwawen Jesus Christeng kebeonjeemahgudoon. *St. John i. 17.*

4. Jesus Keëkedoo me oo nemesqueem wanjeooshkeken-deeng, nebawah kesegwabenahmoonendwah, kaonjewabene-gahdaneg enewh oomujjeëhewabezewenewaun. *St. Mat-thew* xxvi. 28.

5. Jesus ketuhgweshen kebeweendahmahgad ewh menwah jemoowenewung ewh oodoogemahwewen owh Kesha Muh-nedoo oo keëkedood, Quakandahmook kuhya dabwayandah-mook ewh menwahjemoowen. *St. Mark* i. 14, 15.

6. Keshpen sahyahgeewagwan kuhnuhwarduhmook ne-kuhgequawenun. *St. John* xiv. 15.

7. Me oo kuhkenuh enenewug kaonjekekanemenagwah e ewh meezhenuhwamenahgoog keshpen mamashquod suh-sah geëdeyag. *St. John* xiii. 35.

8. Kedenenem sahgeek nashkanemenagoog, menoodoo-dahwek egewh shaunganemenagoog kuhya ahnuhmeatah-mahwek egewh nanuhpuggaunzhenenagoog kuhya quatug-geënegagoog. *St. Matthew* v. 44.

9. Ezhetuhwugganek, benaunzekahweshek dush, bezen-dahmook kechechaugooaug edush tahbimahdezewug kuhya dush kahgeneg kamenjemooseng kekendewen kegah-oozhetahmoonem, nahsaub enew ahbetakummeg tabesh-koosamahguddeneg ooshahwandahgoozewenun owh David. *Isaiah* lv. 3.

10. Anegookekuhmegaug subswamahjahyook, ewh dush menwahjemoowen wahweendahmoowek kuhkenuh bam-ahdezejeg, ah-owh krdabwatung kuhya kabaptizemeënd tahbimahjeah, owh duhyabwatunseg tahnahneboomah.—*St. Mark* xvi. 15, 16.

11. Kesha Muhnedoo ookuhgaunzooaun kuhkenuh enenewun mezee ayahnejen chequakandummed. *Acts* xvii. 30.

12. Me oo oo ookuhgequawen ahyahwung ewh chetabwa yandahmung ewh oodoonoozoowen Jesus Christ Kesha Muhnedoo oogwesun kuhya mamashquad chesahgeëdeyung. *1 John* iii. 23.

13. Ahweyah chepwah peenedaëend kahween tahwahbuh-mahseen Jehovahun. *Heb.* xii. 14.

14. Ween keahwe kahkezhetahmoowaud kuhkenuh naet-tahgoojen e-ewh ookahgegabemahjeëgoowen. *Heb.* v. 9.

15. Kahween kuhkenuh anduhchewaudeg eweh, Tabanenga Tabanenga azhekuhnoozhejeg tahpeendegasewug emuh eshpemeng duhzhe oogemahweweneng, ah-owh atuh kaäh-nookahdung azhemenwaudung owh Noos eshpemeng kezhegoong namuhduhbed. *St. Matthew* vi. 21.

16. Nuhyazh egoo ketebahjemootahwugwah egewh Jew-yug, kuhyah dush egoo egewh Greekug e-ewh chequakanduh-mootahwahwaud Kesha Muhnedoon kuhyah chetabwayan emahwaud Tabanemenung Jesus Christun. *Acts* xx. 21.

17. Nengahabwayandahnun e-ewh oomuhjeëzhechegawenewah, kuhyah enewh oobahtabzewenewah. Kuhyah oomujjezhechegawenewah kahween menuhwah nengah me-quandussenun. *Heb.* viii. 12.

18. Nengahahtoomahwaug nenkuhgequawenun emuh oodenanduhmoowenewaung kuhyah emuh oodaewaung nengah-oozhebeahnun neen dush nengahKeshaMuhnedookundah-waung kuhyah dush wenahwah nendahneshnahbamug tahah-wewug. *Heb.* viii. 10.

19. Shahwandahgoozewug egewh anookeetungeg enewh ookuhgequawenun e-ewh edush cheahyahwahwaud enewh bemahdezewene metegoon, eshquaundameng cheenepeen-degawaud emuh oodanaung. *Revelations* xxii. 14.

CHAPTER VII.

Ween Christ wahtebahkoonaud kabemahdezenejen kuhyah naboonejen.

1. Kesha Muhnedoo oogeweendaun pazhek kezhegud e-ewh uhpe chetebah koonaud akewenejen emuh quiyuk tebahkoonegaweneng oogahahnoonaun enenewun kahween-ahjen; ewh edush oonje kequuhyukwanduhmooand kuhkenuh enenewun uhpe keahbejabahaud. *Acts* xvii. 31.

2. Owh Jehovah Jesus eshpemeng kezhegoong tahbeoon-jenahgooze kuhyah kacheenandahgoozenejen oodangleemun emuh mashkookunag shkootang cheahzhetahwahaud ka-

kanemahsegoog Kesha Muhneedoon kuhya tuhyabwatun-segoog e-ewh oomenwahjemoowen owh Tabanemenung Jesus Christ kapuhzhunzhaoomenjen kahgega bahnahdezeweneng emuh anduhnezeseeg owh Jehovah, ayahmahgusenook azhepezhegandahguddeneg oomushkahwezewen uhpe tuhgwesheng chepeshegandahgoogood ookechetwahoomeez henahwamun kuhya ehemewahbuhmegood kuhkenuh tuhyabwattummenenjen. 2 *Thessalonians* 1 7—10.

3. Tahtuhgweshen enene oogwesun oogahbeguhgezen oopezhegandahgoozewen kuhya oogahpewejewegoon kuhkenuh pahnezenejen oodanglemun, me dush chewuhwanuhbened emuh oopezhegandahgoozewene ootuhbenahsooneneng Emuh dush enahsuhmuhbed tabmahwundoonahwug kuhkenuh anduhswayuggezewaude bamahdezejeg, tebeshkoo goo azhe nuhyatahwenaude owh mahneshtahneshewenene, mahneshtahneshun kuhya mezhahboozoon, me ewh nahsaubkaezhenuhyatahwenaude; ookechenekaung dush oogahahsaun mahneshtahneshun, nuhmunjenekaung dush ween mezhahboozoon oo oo dush oogahenaun owh oogemah ookechenekaung enuhkayah nahbowenejen oondahshahyook kenuhwah shawanemenag owh Noos duhnuhkeeyook suh emuh oogemahweweneng kahwahwazhetahmahgooyagoo-bun kahmahjeuhkewung. Me dush Kuhya ewh uhpe kaenaude nuhmunjenekaung enuhkayah nabooewenejen, ahwus mahjahyook kenuhwah kagwahnesuhgandahgoozeyag, ezhahyook emuh kahgega eshkootang kahoozhettahmahwendebun owh Muhje Muhneedoo kuhya oodanglemun medush oogoo kaczhahwaudd emuh kahgega-kooduggezeweneng, egewh dush ween quiyuk azhewabezejeg kahgega bemahdezeweneng tabezhahwug. *St. Matthew*, xxv. 34—46.

4. Kuhkenuh mah kenuhwend pooch kegahenahgoozemen enahsuhmeahyahneg e-ewh tebakhkoonewawene oopuhbewen owh Christ e-ewh edush kuhkenuh cheahyahmoowaudd kah-ezhedoodahmoowaudd emuh ooweyouewaung, anandahgwuudeneg oodezhechegawenewah kahwenesheshenoogwan, kahmahnahduddoogwan. 2 *Cor.* v. 10.

5. Chenundahwandahmung manwandahgwuk ahpanem-oowen e-ewh kaezhepezhegandahgoozed uhpe nahgoozed ah-owh keche Kesha Muhnedoo kuhyā bamahjeēnung Jesus Christ. *Tit.* ii. 13.

CHAPTER VIII.

Anahdezēd keche Oojechaug.

1. Kesha Muhnedoo oojechaugwun kemuhmahjewun emuh oogedebeeg. *Gen.* i. 2.

2. Kahween ween kuhyet aunwahhegawen emuh ooden-anduhmoowenewaung enenewug kebeoonzekahmahgusse-noon, egewh atuh kachetwahwezejeg enenewug debeshkoo kahezhegahgaunzēmegooaud kecheoojechaugwun keekedoo-uwug. 2 *Peter* i. 21.

3. Kekuhgaunzetaamoog kuhyā oogeneshkeahwaun Pah-nezenejen oojechaugwun. *Isaiah* lxiii. 10.

4. Owh Manoodaashkahgad nungagoo kecheoojechaug; ween egoo Tabwawene ojechaug. *St. John*, xiv. 17, 26.

5. Ah owh kahkeneweshketahwaud keche oojechaugwun enenewun kekeneweshketahwahseg Kesha Muhnedoon atuh, enahjemah.

6. Peter dush keēkedoo, Ananias ahneeshwen owh Satan kemooshkenashkung ewh keda chekeneweshketahwud owh keche ojechaug, kahween egewh enenewug kegekeneweshketahwahseeg owh atuh Kesha Muhnedoo. *Acts* v. 3, 4.

Mahmaundalahnookewenun owh keche Oojechaug.

7. Kuhkenuh kemooshkenashkahgoowaun keche ojechaugwun kemahjemayugenwawug debeshkoo ojechaugwun kahkushkeawezeēgoowaud. *Acts* ii. 24.

8. Kesha Muhnedoo kuhyā ween ooduhnahjemaun nuhyazh egoo emuh kekenoowahjehegaweneng mahmahkah dandahgoozeweneug kuhyā ahnooj mamaundalahnookeweneng anandahgwuk kuhyā ahnooj keche ojechaugwun mahgewajen. *Heb.* ii. 4.

Moonzhug enookahzood owh keche Oojechaug.

9. Emuhshahwanjegawenengkegeoonjebemahjeëgoonaun emuh kesebeegenegoowenahgwuk aunjuegeweneng kuhya ood aunjeëwaweneng owh keche oojechaug pahoonzekahmahguk. *Tit.* iii. 5.

10. Keshpin keaunjnegeseg ah-owh enene emuh ne-beeng kuhya emuh Kesha Muhnedoo oojechaugwung kahween kuhnuhga tahpeendegase emuh Kesha Muhnedoo oodoogemahweweneng. *St. John* iii. 5.

11. Uhpe dush ketubgwesheng (owh Tabwawene oojechaug) oogahtabwayanduhmooaun akeewenejen ewh bah-tahzwen kuhya ewh quuhyukezhewabezwen kuhya ewh tebahkoonewawen. *St. John* xvi. 8.

12. Oo oo azhemenewened Kesha Muhnedoo oojechaugwun Sahgeedewen, Pezaunbemahdezewen Soongummunduhmoowen Pubbakahdezewen Menwahdezewen Mushkahwanduhmoowen Nookahdezewen Nuhetabeganemoowen. *Gal.* v. 22, 23.

13. Kesha Muhnedoo oosahgeëdewen, ookecheoojechaugwun kahmeenegooyung kegebeseegenemahgoonaun kadenaung. *Romans* v. 5.

14. Nengahpezhegandahgoook suh owh, oogahoodahpenaun mahewh tabanduhmaun kegahwahbundahegoowah dush. *St. John* xvi. 14.

15. Ooshkebemahdezek emuh kedenandemoowenewaung peenjenah peezekoonayadezooyook owh ooshke enene, ween owh, nahsaub azhewabezed Kesha Muhnedoo kahezhewabezend emuh quuhyukwahdezeweneng kuhya wahweenga menoozehwabezeweneng. *Eph.* iv. 23, 24.

16. Keche oojechaug kuhya ween kewedookahgoonaun kenuhwend pajeweyung. *Romans* viii. 26.

17. Eshpemeng kedenduhzhekoosawah oogahmeenaun keche oojechaugwun kuhkenuh meng andoodahmahgoojen. *St. Luke* xi. 13.

18. Kagoo ahtaahkagoon owh keche oojechaug. *1 Thess.* v. 19.

19. Kagoo menjenahwaahkagoon Kesha Muhnedoo oo-
kecheoojechaugwun, ween kakenoowahjeenag peenesh egoo
puhgummeahyang bemahjeëgoowene kezhegud. *Eph. iv. 30.*

20. Kahween uhpna kahgeneg owh nenjechaug oogah-
wekoojehseen enenewun. *Gen. vi. 3.*

CHAPTER IX.

Owh Pazhegandahgoozed, naswahdezed Kesha Muhnedoo.

Owh Wayoosemend owh Wagwessemend kuhyia owh Keche
oojechaug pazhekoowug.

1. Noondun O Israel Jehovah Kekesha Muhnedoomenaun
pazekoo. *Deut. vi. 4.*

2. Pazhekoo suh atuh ah owh Kasha Muhnedoomeyung
owh Wayoosemend wanjeduhgoog ahnooj gagoo, kenuhwend,
edush wanjebemahdezeyung kuhyia pazhekoo atuh Tab-
nemenung Jesus Christ ween wanjeduhgoog ahnooj gagoo
kuhyia kenuhwend wanjebemahdezeyung. *1 Cor. viii. 6.*

3. Nesezug egewh mahmahwe anahjemoojeg ewede esh-
pemeng kezhegoong owh Wayoosemend owh Ekedoowen
kuhyia owh Keche oojechaug oogoo dush neswe pazhekoo-
wug. *1 John v. 7.*

CHAPTER X,

*Shahwandahgoozed owh enene kaushpenahnend azhekekanemaud
Kesha Muhnedoon kuhyia ewh bemahjeëwawen.*

1. Kagate suh dabwamahgud maundah debahjemoowene
ekedoowen kuhyia taahpetandahgwud cheoodahpenahmen-
gebun, kebeëzband owh Jesus Christ oomah uhkeeng che-
bemahjeaud majeëzhewabezenejen. *1 Tim. i. 15.*

2. Kesha Muhnedoo, owh kahanahkoonegad chewahsay-
aug kahduhzhepesuhgeshkaug oogahwahsashkahnun keda-
enahnen chewahsashkahgooyung kekanjegawen owh Kesha
Muhnedoo oopeshegandahgoozewen emuh oodangwuhyeë-
eng owh Jesus Christ. *2 Cor. iv. 6.*

3. Ween owh Jesus Christ oogmezsheshahwessetoon ewh bemahdezewen kuhya kahgegabemahdezewen emuh oomen-wahjemooeneneng. 2 *Tim.* i. 10.

4. Emuh kecheketemahganjegawenenng ah-owh Kekesha Muhnedoomenaun owh kezheke-wahsahyahzewen pahtood, eshpemeng wanjeed kegeoonjepemoowuddesemegoonaun, chewahsashkahmoowaud akoo pesuhgeshkaug kuhya neboowene-abgahwahtashemoowenenng namuhduhbenejen kuhya cheuhnequuhyukesetood kesettahnahmen emuh pezaunah-yahweneng. *St. Luke*, i. 78, 79.

*Ahwayanengawen menooezhewabeze-enanengawen kuhga
Peenahdezewen.*

5. Ween suh, kuhkenuh egewh aunwahjegawenenewug oodenahjemahwaun. Ahwagwanun tuhyabwayanemegoon tahoonje wabenegahdanewun oobahtehzewenun. *Acts* x. 43.

6. Ween owh Christ wahweenga ooge tebeshkoosetooawaun ewh tebahkoonegawen kuhkenuh duhyabwayandummenejen. *Rom.* x. 4.

7. Kegesebeegenegoom, Kegepeeneëgoom, Kemenooezhewabezeenanemegoom emuh oodenoozoowenenng owh Jehovah Jesus Kuhya Kekesha Muhnedoomenaun Ookechejechaug-oong. 1 *Cor.* vi. 11.

8. Kah kuhnuhga nahneboomahsewug menek kakeshkah-wahjeg Christ Jesusun, bamahdezesoog azheseneneneng oojechaugoowene enanduhmoowen. *Rom.* viii. 1.

9. Emuh kedabwawenenng oonjepeenewh, dabwamahgud suh Kedekedoowen. *St. John*, xvii. 17.

10. Eshquauch edush nekahneseedoog wagooodoogwanedoo-gaanun duhyabwamahgudoogwan, wagooodoogwanedoo-gaanun duhyabwamahguddoogwan, wagooodoogwanedoo-gaanun wanesheshenooganun, Wagooodoogwanedoo-gaanun quuh-yuk-wuddooganun, wagooodoogwanedoo-gaanun pahnuddoo-gaanun, wagooodoogwanedoo-gaanun manwahbemenahgwuddoo-gaanun, wagooodoogwanedoo-gaanun manowahweendahgun-ewunooganun, keshpen menooezhewabezewen ayahmah-guddoogwan kuhya keshpen e-ewh kamenooduhzhendah-

mengebung, enewh nahnahgahdahwandahmook. *Phil.* iv. 8.

11. Me muh nahsaub ah-owh pazhek enene kekubgaun-zetung, nebewah kemujjeezhewabezeahwug; me nahsaub emuh oonuhettuhmooweneng owh pazhek, nebewah tahoon-jemenooezhewabeze-enanemahwug. *Rom.* v. 19.

Moogeganduhmoowen, mahmauzhetwahwen, kuhya kahgega-bemahdezewen.

12. Oodezhahwenun menwandahgwuddenewun kuhya kuhkenuh oomekaunsun, pezaunewawene mekaunsun ah-wunnoon. *Prov.* iij. 17.

13. Emuh dabwayanduhmooweneng keduhzhemenooez-hewabeze enanemegoonau, kemenooeweekewaahmahnaun ah-owh Kesha Muhhedoo ween oonje Tabanemenung Jesus Christ. *Rom.* v. 1.

14. Benuh gooshah apeech sahgeönung owh Wayoose-mend Kesha Muhnedoo oonejahnesun cheezhenekahnegoo-yung. *1 John* iii. 1.

15. Ewh neboowen keoonjegahda emuh mahmauzhetwah-weneng. Neboowen ahneende ahyaug kepuhdukkooewawen, O Chebaguhmeg ahneende ahyaug kemahmauzhetwahwen, E-ewh neboowene puhtuhkuhoowawen bahtahzewen ahwun kuhya tebahkoonewawen ahwun wanjemushkahwuk ewh bahtahzewen; tahmahmooyahwahmah dush ween onje Je-sus Christ Tabanemenung. *1 Cor.* xv. 56, 57.

16. Neen suh nondou ewh ahbejabahwen kuhya ewh be-mahdezewen owh dahyabwayanemed mesuhwah goo kene-bood pooch dush ween kayahba tahbemahdeze, ahwagwan kuhya bemahdezegwan dabwayanemed dush kahwekah tahneboose. *St. John*, xi. 25, 26.

17. Kahgega bemahdezewen oomeegewan owh Kesha Muhnedoo ween oonje Jesus Christ Tabanemenung. *Ro-mans* vi. 23.

CHAPTER XI.

Kaezhedoodahwahpun enenewug, Kesha Muhnedoon.

1. Bemahdezewungwan ah-owh Tabanenga kebemahdez-etahwahnaun kuhya naboowungwan Tabanenga keneboos-

tahwahnaun. Bamahdezewungwan suh dush gamah naboo-wungwan owh Jehovah ketebanemegoonaun. *Rom. xiv. 7. 8.*

2. Wahsenewagwan gamah manequawagwan nuhmunj kuhya anuhnookewagwan ewh cheonjepezhegandahgoozed owh Kesha Muhnedoo kuhkenuh doodahmook. *1 Cor. x. 31.*

Tabwayanduhmoowen.

3. E-ewh dabwayanduhmengahwun wanjetaungenahmung enewh uhyeëen nanduhwanduhmungoon, wanjepuggukkan duhmung enewh uhyeëen wahyabhunjegahdasenoongen.—*Heb. xi. 1.*

4. Kahween bahpesh kuhnuhga oogahmenwanemooahseen Kesha Muhnedoon owh ayaunseg dabwayanduhmoowen Ah-owh mahween nuhyaunezekahwaud Kesha Muhnedoon tahdabayandum ewh abyahned ewh edush kuhya menoo-megewatahwaud kaaungwahmeunduhwahbemegoojen. *Heb. xi. 6.*

5. Ewh noondumeng tabwayanduhmoowen oonjemahgud kuhya ewh noondummoowen emuh oodekedooweneng owh Kesha Muhnedoo oonjemahgud. *Rom. x. 17.*

6. Jesus Christ oogemahjekaun kuhya oogekezhetoan e-ewh nedabayanduhmoowenenau. *Heb. xii. 2.*

7. Tabwayanem owh Tabanemenung Jesus Christ, kegah-bemahjeegoo dush. *Acts xvi. 31.*

8. Emuh oodaewaung enenewug tabwayanduhmoog che-quhyukezhewabezeëndwah. *Rom. x. 10.*

9. Debeshkoo goo e-ewh weyow ayahsegoon oojechaug azheneboomahguk me nahsaub kuhya ween e-ewh Tabway-anduhmooween duhgooosenook menoochegawenun azhene boomahguk. *James ii. 26.*

10. E-ewh dabwayanduhmoowen mahmauzhetoan e-ewh uhkewene enanduhmoowen, Ewh Tabwayanduhmoowen oopeenneeton oo-daemah Ewh tabwayanduhmoowen emuh sahgeedeweneng duhzheahnookemahgud kuhya aungwah-mezemahgud cheaunwahjemahguk emuh menooahnookeweneng. *1 John v. 4. Acts xv. 9. Gal. v. 6. Titus iii. 8.*

Quakanduhmoowen.

1. Owk Kesha Muhnedoo ookuhgaunzoomaun kuhkenuh enenewun debe anduhnezenenegwan chequakanduhmened. *Acts xvii. 30.*

2. Quakanduhmook kuhya dabwatuhmook ewh menwah-jemoowen, keshpen quakanduhsewag kuhkenuh kenuhwah tatebeshkoo kegahezhebahnabdezeem. *St. Mark, i. 15. St. Luke, xiii. 3.*

3. Quakanduhmook kuhya quakenedezooyook e-ewh kah-ezhemujjeezhechegayag, ewh chebahnabjeegoosewag. *Ezekiel xviii. 30.*

4. Nengapuhzegwe, nengagezhahnun owk noos oo-oo nengagezheguhnoonah. Noosa nengemujjedoodahwah suh owk eshpemeng ayaud kuhya dush goo keen kah dush kayabba nendahpetandaggoozese kegwes cheezenekahnegoo-yaumbaun. *St. Luke xv. 18, 19.*

5. Bahtahzewan ahwun banahjetoongen ewh tebahkoon-egawen emuh tebahkoonegaweneng duhgoomahgud e ewh kakanduhmeng mujjeezhewabezeween. *1 John iii. 4. Rom. iii. 20.*

6. Mahnoo owk majeezhewabezed oogahwabenahnun oodezhechegawenun, kuhya owk quuhyukezhewabezeseg enene ewh oodenanduhmoowen. Mahnoo dush nayaub oodahnaunzekahwaun Jehovahun oogahshahwanemegoon edush, kuhya ewk Kekesha Muhnedoomenaun ahpeche mahween oogahabwayanemegoon. *Isaiah lv. 7.*

7. Keche moojegezem muh enahsuhmeahyahned Kesha Muhnedoo oodanglemun, pazhek quuhyakandummenejen bahyahtahzejen. *St. Luke, xv. 10.*

8. Ween oogeombenegoon Kesha Muhnedoo, emuh oo-kechenekahneng cheoogemahwed kuhya chebemahjeewad chemeenaud Israelun ewk quakanduhmoowen kuhya che-abhwayanemendwah *egewh Isrealitug* kemujjeezhewabezewaud. *Acts v. 31.*

Ahpanemoong owk Kesha Muhnedoo.

Ahpanem Jehovah anegookoodaayun kuhya kagoo oo-oh-

oojekahbahwekan emuh tebenuhwa kenebwahkahweneng.
Proverbs, iii. 5.

2. Emuh kuhkenuh kedezhewabezeweneng ween Kesha Muhnedoo ahpanemoon kegahquhyukoowenek edush. *Proverbs*, iii. 6.

3. Puhgenuhmou owh Jehovah kemewunekaun ween dush kegahbemeahsoonek. *Psalms* lv. 22.

4. Puhgedenuhmou kuhkenuh kebahmandahmoowenun ween muh kebahbahmanemek. 1 *Pet.* v. 7.

5. Kahween oogahkootunseen majeenuhkuummegukken ; ewh ooda mushkahwezemahgudene, ahpanemood Jehovahun. *Psalms* cxii. 7.

6. Kesha Muhnedoo suh owh keduhpuggunzhenezhemoo-wenenaun kuhyu kemushkahwezewenenaun ; kenetumee wedookahgawenenaun sanuggezeyungoon. *Psalms* xlvii. 1.

7. Ahnuhmeatahweshen emuh megooshkahjekezheguk-ken kegahshahboowenenen kush ; keen dush kegahpezhegandahgew. *Psalms* l. 15.

Kaczhekoosendebun owh Kesha Muhnedoo.

1. Jehovah quasungoon me uhpe mahjenebwahkaung. *Proverbs* ix. 10.

2. Kagoo koosahkagoon egewh natoojeg weyou, eshquauch edush gagoo ayaunsegoog chedoo-dahgawahpun, koosek atuh ween kashketood keeshquahnesaud cheneswabenaud ewede muje shkootang. *St. Luke*, xii. 4, 5.

3. Umba tuhguh dush aungwahmesedah kakanduhmeng kewcendmahgooyung chepeendegayungoobun emuh oodunwabeweneng, ahweyah kenuhwah anduhcheyag che-noondawuhnnetooseg. *Heb.* iv. 1.

4. Me nahsaub Wayoosengad azheshahwanemaud tebenuhwa oonejahnesun me nahsaub owh Jehovah azheshahwanemaud quaseggoojen. *Psalms* x. 3, 13.

Kaczhesahgeungoobun owh Kesha Muhnedoo.

1. Kedahsahgeah Jehovah Kekesha Muhnedoo anegoo-koodaiyun anegookoojechaugooyun kuhyu anegookquan-

dahmun kuhyā apeecheweyun; me oo oo nabahnemahguk kache enandahgwuk kuhgequawen. *St. Mark*, xii. 30.

2. Keshpen ahweyah enene sahgetood enewh uhkeeng wanzekahmahgukken kahween kuhnuhga oosahgeahseen Wayoosemenejen. 1 *John*, ii. 15.

3. Kesahgeahnaun ween *Kesha Muhnedoo* netum muh kegesahgeëgoonaun. 1 *John*, iv. 19.

Kaezhenuhettahmungebun oodenahkoonegawen owh Kesha Muhnedoo.

1. Me ewh sahgeung owh *Kesha Muhnedoo* uhpe ganuh wandahmahwungoon ewh ookuhgequawen. 1 *John*, v. 3.

2. Keshpen sahgeëyag, nenkuhgequawenun menjemenahmook, kenuhwah keweejekewaenenem keshpen azhechega-gag menek azhekahgaunzemenahgoog. *St. John*, xiv. 15, and xv. 14.

2. Kegemenooezhechega keen waneshesheyun. Kuhyā quhyuk azhewabezeyun bameetahgayun, peendegan keen emuh oomoojegezeweneng owh Tabanemek. *St. Matthew*, xxv. 21.

Puhgedenedezoowen magwah hatemahgezeng.

1. Puhgedenahmoowek keyouewaun ah-owh *Kesha Muhnedoo* tahbussanendezooyook emuh enuhsahmuhbed owh Jehovah, ween kegahooneshkahbenegoowah. *James* iv. 7, 10.

2. Nengwes kagoo neshkahbundukan owh Jehovah oopuhzhunzhaegawen, kagoo kuhyā shahgwewekan uhpe nuh-nebekemeken, owh mahween Jehovah sahyahgeahjen oopuhzhunzhawaun kuhyā oopukkettawaun anduhcheden oowesun, wadapenahjen. *Heb.* xii. 5, 6.

3. Me suh owh Jehovah, mahnoo tahezhechega e-ewh anandung. 1 *Sam.* iii. 18.

4. Jehovah kemegewa kuhyā owh Jehovah keëkoonewa tahpezhegandahgwuddene oodoonoozoowen owh Jehovah. *Job* i. 21.

5. Noosa keshpen quhyukwuik mahnoo ewh menequah-jegun nengahkebekahgoon; Nendahwah suh azhe nundahwandahmun keen, kahween neen anandahmaun tahezhewabuhsenenoon. *St. Matthew*, xxvi. 39, 42.

6. Nahnauzh egoo nebooyun aungwahmezen, kegemeenen edush kahgega bemahdezewene wewuhquaun. *Rev.* ii. 10.

7. Nengekecheshahwandahgooz e ewh kahahnemezeyaan *Psaln* cxix. 71.

8. Enewh nayaungung kesunnuggezzewenenahmen wanebek atuh ayaug kekushkettahmahgoonaun e ewh nahwuj machaug kahgega apetenahgwuk pezhegahdahgoozewen. *2 Cor.* iv. 17.

9. Kah mahween keggunnuhwahbunduhsenahmen enewh uhyeëen wuhyahbunjegahdagen me atuh enewh uhyeëen wuhyahbunjegahdasenoogen. *2 Cor.* iv. 18.

10. Enewh uhyeëen wuhyahbunjegahdagen ahjenah duhgomahgudoon enewh dush ween uhyeëen wuhyahbunjegahdasenoogen kahgeneg duhgoomahgudoon. *2 Cor.* iv. 18.

*Kechetwahweënd unduwekezhewuhend uhnuhmeatahwend
kuhya walwezhanemend owh Kesha Muhnedoo.*

1. Kechetwahwanemek owh Jehovah kaezhekechetwahweëndebun undahwekezhewahnek owh Jehovah emuh menwabhuhmenahgwuk menooezhewabezeweneng. *Psaln* xxix. 2.

2. Wanahgooshengen, kakezhabahwegukken kuhya nayahwuhguagen nengahahnuhmeah ween dush oogahnoon-daun nemesettahgoozewen. *Psaln* lv. 17.

3. Egewh kachetwahwanemejeg neen nengahkechetwahwanemaug ekedoo owh Jehovah; egewh dush nashkahbuhmejeg noondaush tahahpetanemahwug. *1 Sam.* ii. 30.

4. Kechetwahwanem owh Jehovah emuh kuhkenuh me-nek dabandahmun kuhkenuh kuhya netum wahyahbetag menek natahwegeng, enewh dush kepuggundegaweguhme-gong cheoonjequaushkooshkenamahguk. *Prov.* iii. 9, 10.

5. Ahnooj egoo gagoo oonjemahmooyahwan, me muh oo oo azheundahwanemenag owh Kesha Muhnedoo emuh Christeng. *1 Thess.* v. 18.

6. Kechetwahwanem owh Jehovah O Nenjechaug kuhya kagoo wuhnandunkan kuhkenuh oogeegaewawenun, owh ahyahbwayandahmook kuhkenuh kebahtahzewenun kuhya

nwahjemootook kuhkenuh kenuhnepenezewenun. Ween owh bamahjeek cheneshwahnahdezesewun kuhyah pahsekoonek emuh kechekeshawahdezeweneng. *Psaln* ciii. 2—4.

7. Mahnoo mashenuddeneg oodekedoowen owh Christ peenjenah ayahmook emuh kuhkenuh nebwhakkahweneng chekekenooahmahdeyag chekuhgaunzoondeyag emuh ahnuhmeahwene nuhguhmooweneng, nuhquaahmahdeyag kuhyah chemenwawayag emuh kedaewaung, wahwezhanemag owh Jehovah. *Col.* iii. 16.

8. Wahsenewagwan gamah manequawagwan gamah goonuhmunj azhehegawagwan kuhkenuh doodahmook cheoonjepeshegandahgweënd Kesha Muhnedoo. *1 Cor.* x. 31.

9. Kepahgoosanemenem dnsh nekahnesedoog e-ewh shahwanjegawen owh Kesha Muhnedoo cheoonjepuhgedenahmag enewh keyouewaun, bamahduk sahsahgawejegawen pahnuuk kamenoo-oodahpenung Kesha Muhnedoo, me muh oo oo kaezhehegayagoobun. *Romans*, xii. 1.

10. Kagoo megooshkahje nundahwandunkagoon gagoo, kuhkenuh suh anduhwanduthmagoon weenduhmoowek owh Kesha Muhnedoo emuh keduhnuhmeahwenewaung kuhyah emuh mahmooyuhwaweneng. *Phil.* iv. 6.

11. Ahkoowahbeyook kuhyah ahnuhmeahyook cheenekahsewag emuh kuhgwajeewaweneng. *St. Matthew*, xxvi. 41.

12. Kashkeawuddeneg oodaungwahme-ahnahmeahwen owh quhyuk azhewabezed nebawah ahpetandahgwuddene. *James* v. 16.

13. Andoodahmahgag kegahmeenegoom edush, undahwahbeyook kegahmekaum edush, pahpahkesuhgeëgag kegah nesahkoonuhmahgoom edush. *St. Luke*, xi. 9.

14. Koosawah eshpemeng anduhhezid oogahmeenaun ookecheoojchaugwun, kaundoodahmahgoojen. *St. Luke*, xi. 13.

15. Mahnoo tahshahwandahgooze, taheshpandahgooze tahshahwandahgooze kuhyah tahmushkahweze wawanuhbed oogemahwuhbeweneng kuhyah Mahneshtahneshause kahgeneg uhpena kahgeneg. *Revelations*, v. 13.

CHAPTER XII.

Anahduk ewh Church.

1. Jesus Christ negahneze menek anduhcheng emuh ooduhnuhmeahweneng tahnahsah tebenuhwa weyou ayahwung. *Eph. i. 22, 23.*

2. Kuhkehuh egewh mezeewakuhmeg waundungege e-ewh oodoonoozoowen owh Jesus Christ Tabanemenung nuhyazh kuhya wenuhwah Tabanemegoowahjen kuhya dush egoo kenuhwend. *1 Cor. i. 2.*

3. Owh Christ Kedow, Wayoosemud bamadezed Kesha Muhnedoo. *St. Matthew, xvi. 16.*

4. Oomah metahbekoong nengahmenjemoosetoon nenduhnuhmeahwen, Kahween edush enewh mujjeshkootawene eshquaundamun tahmahmauzhewamahgussenoon. *St. Matthew, xvi. 18.*

5. Ewh Kesha Muhnedoo oowegewaum bamahdezed Kesha Muhnedoo oodahnuhmeahwen anduhzheahsookeseng kuhya anduhzhe menjemooseng ewh dabwawen oodendahwen owh Kesha Muhnedoo emuh oojechaugwung. *1 Tim. iii. 15.*

6. Kahween suh dush kayahba kemuhyuggezeseem mesuh atuh duhgoo-oo-datoomagwah egewh anuhmeahjeg kuhya Kesha Muhnedoo pamenahjen. *Eph. ii. 19.*

7. Kahween quuhjuk-ezhewabezewene ezhechegawenun kahezhechegayung oozhahwanjegawen atuh kegeoonjebemahjeenoonoun emuh aunjnegeeweneng kesebegenegooyung enewh ookeche oojechaugwun. *Tit. iii. 5, 6.*

8. Pazhekwn weyou kuhya pazhekoo oojechaug nahsaub azhe nundummegooyag emuh pahyazhekwung ahanemoo-weneng: pazhekoo Tabanenga pazhekwn dabwayanduhmoowen pazhekwn Baptizemewawen, Pazhekoo Kesha Muhnedoo Wayoosemaud kuhkenuh enenewun. *Eph. iv. 4, 6.*

9. Aungwahmoosayook kaezheaungwahmoosayagoobun kenuhwah manooundummegooyag emuh kuhkenuh tahbusanendezooweneng kuhya ketemahganendezooweneng kuh-

ya emuh soongummundummooweneng emuh sahgeedeweneng cheduhzheshahzhebegedatahdeyag chewekoojegunnahwandummag ewh oo-pazhekoowen owh oojechaug emuh pezaunbemahdezewene-ketuhkoobezooweneng. *Eph. iv. 1-3.*

Kaezhekechetwahwandahmungwahpun Makuhdaya kuhnayag.

10. Tuhgah enenewug nenguhennuggemegoonahneg debeshkoo oo-dooshkenegemun owh Christ kuhya ganuhwandungeg enewh mahmaundahkekanjegawenun owh Kesha Muhnedoo. 1 *Cor. iv. 1.*

11. Nenuhwend nendahwemen anoonahjen owh Christ, debeshkoo owh Kesha Muhnedoo kahnundummenag nendezheahnookemen nenuhwend, kenundummegoom debeshkoo goo Christ azhechegajen cheweejekewandundahmoonag owh Kesha Muhnedoo. 2 *Cor. v. 20.*

12. Aungwahmenedezoon kuhya ewh kekuhgequawen, menjemandun oo-oo muh azhechegayun keguhbemahjeëdez kuhya egewh bazendookeg *keguhbemahjeaug.* 1 *Tim. iv. 16.*

13. Kedundahwanemegoom, wawekahnesemegooyag, chekekanemagwah egewh anookejeg emuh ayahyag kuhya egewh nahgahnezemenagoog emuh Tabanengang kuhya kakekemenagoog cheoonjekechetwahwanemagwah emuh sahgeëdeweneng, e-ewh anandahgwuddeneg oodahnookewenewaun. 1 *Thess. v. 12, 13.*

14. Bahbahmeetahwek egewh tabahkoonenagoog kuhya puggedenedezook, oogunnahwanemahwaun muh kejechaug-oowaun debeshkoo goo egewh kawahweendahmahgajeg cheoonjewahweendahmahgawaud emuh moojegezeweneng kahween emuh nuhnenuhwedaäweneng. *Heb. xiii. 17.*

15. Kahween kegahahnezheetunseem chemahwunjëdeyag. *Heb. x. 25.*

16. Nengemenooandum uhpe azheewaud tuhgah ahwepeendegadah emuh oowegewahmeng owh Jehovah. *Psal. cxxii. 1.*

17. Debe mahwunjeedewahgwan neezh gamah neswe emuh nendezhenekahzooweneng, mesuh nesuhwuhyeë ayahwaud anduhnezeyaun. *St. Matthew, xviii. 20.*

18. Jesus keëkedoo pezaun-bemahdezewen kegahkekesh-kahgoonahwah debeshkoo owh Noos kahahnnoozhed mesuh nahsaub azheahnoonenuhgoog Benuh kewekjemenem kah-geneg peenesh egoo cheëshquahuhkewung. *St. John, xx. 21. St. Matthew, xxviii. 20.*

Baptizemewawen kuhyu ewh pahnuh shuhkummoonedewen.

1. Ahwekekenooahmahwek kuhkenuh menëk anduhswayuggezewaud bamahdezejeg baptizemëek edush emuh oodezhenekahzooweneng owh Wayoosemend kuhya Keche oo-jechaug. *St. Matthew, xxviii. 19.*

2. Qwakanduhmook baptizemegoozeyook edush emuh oodezhenekahzooweneng owh Jesus Christ chewabenahmahgooyag kebahtahzewenewaun. *Acts ii. 38, 39.*

3. Puhzegwen baptizemegoozen chekeseahbahwag kemujeezhewabezewenun chenuhnaunduhmagazhenekahzood owh Tabanenga. *Acts xxii.*

4. Owh Puhyazhegood oojechaug kuhkenuh kegemañwun doobaptizemegoomen emuh pazhekwing wëyöueng Mesuhwah Jeweyung gamuh Gentileweyung mesuhwah goo ah-wahkahneweyung gamuh tebenuhwa debanendezooyung. *1 Cor. xii. 13.*

5. Kegeweijnengwahmegoomen emuh oonebooweneng owh Christ uhpe kebaptizemegoooyung Nahsaub egoo owh Christ kahezheahbejebahegood pashegandahgoozenejen Wayoosemenjen; megoo kuhya kenuhwend kaenoosayungoobun emuh ooshkebemahdezeweneng. *Romans, vi. 4.*

Ewh Pahnuh Shuhkummoonedewen.

6. Owh Tabanenga nengekekenooahmaug debeshkoo goo kuhya neen kahkührkenooahmoonuhgoogebun nahsaub tabe-cuddeneg uhpe kahbahtahend ah-owh Tabanenga Jesus oogeoodahpenaunun buhquazhegunun uhpe dusli kahmahmooyahwad oogebuhquabenaunun oo-oo oogeenaun, oodahpenek ahmook edush maundah neyou kenuhwah kahbuhquabedahmahgooyag oo-oo ezhechegag chemequanemëyag. *1 Cor. xi. 23, 24.*

7. Medush egoo nahsaub kahezheoodahpenung ewh me-

nequahjegaunse uhpe dush kahmenequad oogenaun, oomee-zhenahwahun mesuh oo ooshkekekendewene menequah-jegaunse ayahwung, emuh nemesqueemeng oo oo ezheche-gayook duhcheng menequayagoon chemequanemeyag. 1 *Cor.* xi. 25.

8. Duhcheng suh goo aumwagoon maundah buhquazhegun kuhya duhcheng menequayagoon maundah menequah-jegaunseng kedebahduhdahnahwah ewh Tabanenga oone-boowen, peenesh egoo tuhgwesheng. 1 *Cor.* xi. 26.

9. Enene tahnundahkekanendezoo me mahnoo dush ewh oogahhezheaumwaun enewh buhquazhegunun kuhya oogah-ezhemenequan emuh maundah menequahjegaunseng. 1 *Cor.* xi. 28.

CHAPTER XIII.

Kadoodahdewahpun enenewug.

1. Dabwayandahgwud suh maundah ekedoowen kuhya kenundahwanemen oonoo uhpurna cheëzhekuhgequayun egewh suh tuhyabwayauemahjeg Kesha Muhnadoon che-weaungwahmemenjemahmahwad menooahnookewenun. *Tit.* iii. 8.

2. Sahgeëdewen, kahween oobahtahahseen weejekewayun mesuh dush sahgeedewen wanjemooshkenasetoong ewh Te-bahkoonegawen. *Romans* xiii. 10.

3. Kechesahgeëdeyook, wawekahnesendejeg kaezhesahgeedewahpun eshpandahgoozeweneng chenegahnandeneyag. *Rom.* xii. 10.

4. Me oo kuhkenuh enenewug kaonjekekanemenagwah e-ewh meezzenahwamenuhgoog keshpen mamashquaud suh-sahgeedeyag. *St. John*, xiii. 35.

5. Pazhekoo suh owh Tabanemenag owh egoo Christ kuhkenuh dush kenuhwah kedoowekahnesendeem. *St. Matthew*, xxiii. 8.

6. Keshpen kushkeawuk menek kenuhwah azhekushke-tooyag kuhkenuh enenewug pezaunewedegamek. *Romans*, xii. 8.

Shahwanedewen Kuhya Ahbwayanedewen.

7. Mahnool kuhkenuh wesuggesheenganendewen kuhya neshkahdezewen kuhya mujjeduzzhendewen kuhya oombe-gahnuggedoonoowen kuhya mujjegahnoonedewen tahkoon-negahda emuh ayahyag kuhya kuhkenuh sheenganendewen. *Eph. iv. 31.*

8. Keshawahdezetahteyook ketemahganendeyook mamashquaad cheahbwayanendeyag debeshkoo goo owh Keche Muhnedoo oonjeahpetandahgoozened Christ kahezheahbwayanemenag. *Eph. iv. 32.*

9. Sahgeek nashkanemenagoog Shahwanem egewh nah-yahneboomenagoog, menoodoodahwek egewh shaunganemenagoog kuhya ahnuhmeatahwek egewh nanahpahgaun-zheenagoog quatuggeenagoog. *St. Matthew, v. 44.*

10. Kache sahgeenuhgoog kagoo ahyahzhetahwahedezoo kagoon, ah-yeda atuh tuhwegedaatahdeg oo oo mah oozhe-beegahda neen nenduheem ahzhetahwahedewen neen nen-gahtebahega ekedoo Jehovah. *Rom. xii. 19.*

11. Shahwandahgoozewug suh egewh chepezaunezeng anuhkummezezeg me muh oogoo oonejahnesun owh Keshah Muhnedoo kaazhenekahnendjeg. *St. Matthew, v. 9.*

Menoodoodahdewen Kuhya Shahwanjegawen.

12. Wagoodoogwanedooganun enewh kanundahwahbun-dahmahwagwah enenewug chedoodoonagwah me kuhya kenuhwah nahsaub doodahwek mesuh oo oo kuhgequawen kuhya enewh aunwahchegawenun. *St. Matthew, vii. 12.*

13. Meenek suh dush kuhkenuh azhetebanduhmoowaud, tebahahmouwek ah-owh katebahahmahgoozepun, koosek egewh kakoosendebuneeg, kechetwahwanemek kakechet-wahwanemendebuneeg. *Romans, xiii. 7.*

14. Kuhkenuh kenuhwah nahsaub enanendeyook cheshahwanendeyag wawekahnesendengen cheezhesahgeeday ketemahganendeg wahwekeedeyook. *1 Pet. iii. 8.*

15. Netahshahwanjegag nahsaub egoo owh koosewah kuhya ween azhenetahshahwanjegad. *St. Luke, vi. 36.*

16. Shahwandahgoosewug suh egewh natahshahwanjega-jeg, tahshahwanemahwug muh. *St. Matthew*, v. 7.

17. Owh suh katemahganemaud katemahgezenejen, Tabanengan oodahweaun gagoo. *Proverbs* xix. 17.

Tabwawen Kuhya Kekenooahmahdewen.

18. Kagoo mujjeenandunkagoon e-ewh dush kenuhwah kuhnuhga chemujjeenemegoosewag Wagoonan wanje mujjeenanemud kekahnesh? gamah wagoonan wanje ahnesanemud owh kekahnesh? Kuhkenuh kenuhwend kegahnebouwemen enahsummeahyahneg ewh ootebahkoonegawene puhbewen owh Christ kuhkenuh suh dush anduhcheyung kegahtebahjendezoomen Kesha Muhnedoo chewendahmahwung. *St. Matthew*, vii. 1. *Romans* xiv. 10, 12.

19. Keneweshkemahgukken oodoonun ookuhgwahnesuh gandannun owh Jehovah Wabenahmook kenuhweshkewen, anduhched enene oogahquhyukwahjemootahwaun ooweejebemahdezemun, kuhkenuh kaneweshkejeg oogahdahyahnawah oodunduhnukewenewaun emuh keche guhmeeng mahzhemahgwuk eshkootawung. *Proverbs* xii. 22. *Eph.* iv. 25. *Rev.* xxi. 8.

20. Owh kaquakahdezeaud majeezhewabezenen azhe wuhnesheneneg oodezhewabezewen, neboweneng oogahoonjebemahjeaun oojechaugwun kuhya keche nebawah bah-tahzewenun oogahghadoonun. *James* v. 20.

21. Debeshkoo goo azhesahgeedezooyun kegahezhesageah owh kewejbemahdezem. *St. Matthew*, xxii. 39.

CHAPTER XIV.

Anuhwandejeg kadoodahdewahpun.

1. Wanahbaweyag sahgeëk kewewewaung nahsaub goo kahezhesahgetood ewh ahnuhmeahwen owh Christ kuhya keoonjemeegewad tebenuhwa weyou, mesuh kuhya enenewug kaczhesahgeahwahun oowewewaun debeshkoo goo enewh tebenuhwa ooweyahwewaun, owh sahyahgeaud we-wun ween sahgeëdezoo. *Eph.* v. 25, 28.

2. Washeyag puhgedenahmahwek enewh keyouewaun egewh kenahbamewaug, nahsaub kaezhepuggedenahmoowagoobun owh Tabanenga Mahnoo owh washed oogahnundahkekandaun kaezheketwahwanemaud oonahbamun. *Eph. v. 22, 23.*

3. Kenuhwh wayoosemegoooyag kagoo kubgaunjegedaä-ahkagoon kenejahnesewaug cheneskahdezewaud equegenek atuh emuh oopemenewaweneng kuhy a ookuhgequaweneng Tabanenga. *Eph. vi. 4.*

4. Wanejahnesemegoooyag nahettahwek keketezemewaug emuh Tabanengang me muh kaezhewabukebun. *Eph. vi. 1.*

5. Nengwes bezendun e-ewh ookuhgequawen owh koos kuhy a kagoo pooneguhnuhwandunkan e-ewh ooduhnahkoonegawen owh keguh. *Proverbs i. 8.*

6. Wagemahweyag meenek egewh kebuhmeetahgunewaug ewh quuhukwuk kuhy a ewh kadeshk anandahgwuk kekandahmag ewh kuhy a kenuhwh wadoogemahmeyag ewede eshpemeng. *Col. iv. 1. Eph. vi. 9.*

7. Kahgaunzoomek buhmeetahunug chenuhettahwah-waud tebenuhwa wadoogemahmewahjen kuhy a ahnooj cheezhemenwanduhmoonahwaud, kahween cheahzhedaangasegwah kahween chekukhemoodezegwah, me atuh chewahbundahewawaud e-ewh kuhkenuh aungwahmezewen, ewh egoo chemenwahbuhmenahgootooaud ewh ookuhgequawen owh Kesha Muhnedoo bamahjeönung. *Tit. ii. 9, 10. 1 Tim. vi. 1, 2. Col. iii. 22, 25.*

Tabahkoonewajeg Kuhy a Tabahkoonendjeg.

8. Ow h suh tabahkoonaud enenewun tuhquuhuk ezhe-wabeze emuh ookoosettahgunezeweneng Kesha Muhnedoo chedezhetebahkoonegad. *2 Sam. xxiii. 3.*

9. Mahnoo kuhkenuh bamahdezede oodahpuggedenahmoowah weyou ashpandahgoozenejen, kah muh nengooche oonzekahmahgussenoonewh negahnezewen Kesha Muhnedoong atuh pahoonzekahmahgud negahnandahgoozewenun uhkeeng atagen oodoozhetooun ow h Kesha Muhnedoo. *Romans xiii. 1.*

10. Koosheh owh Jehovah kuhya owh wagemahwed kagoo dush wedookahwahkan quakenahkoonegawen sahyah-getoojeg. *Prov. xxiv. 21.*

11. Kechetwahwanemek kuhkenuh enenewug sageek wawekahneseendejeg koosek owh Kesha Muhnedoo kechetwah-waem owh kedoogemahmewah. *1 Pet. ii. 17.*

CHAPTER XV.

Kaezhesettbopun tebenuhwd oodenandemoowen owh enene.

Tahbussanduhmoowen.

1. Kesha Muhnedoo oodahzhedakahwaun manah danendezoonejen oomeenaun edush ween ooshahwanjegawene wedookahgawen tabussanemoonejen. *James iv. 6.*

2. Oo oo suh ekedoo Jehovah kagoo ween owh nabwah-kaud enene tahoonjewezhandunse tebenahwa oonebwhakawen kah kuhya ween owh masbkahwezed enene oomushkahwezewen tahoonjewahwezhandunse kah owh kachetwahwezed enene tahoonjewahwezhandunse e-ewh ookechetwahwezewen Mahnoo dush ween owh wahwezhangad, maundah tahoonjewahwezhandum, e-ewh nesettahwanemed kuhya e-ewh kekanemed e-ewh Tabanengayaun anookahduhmaun e-ewh sahgedewene gegaewawen uhkeeng me muh oomahdenoong neen menooanduhmaun, ekedoo owh Jehovah. *Jer. ix. 23, 24.*

3. Bezendahwesheg kekenooahmahgayaunen ekedoo owh Bamahjeñnung nenookahdez muh kuhya nendaghahsanem emuh nendaçng Kegahmekahnahwah dush aunwabewen emuh kejechaugoowaung. *St. Matthew, xi. 29.*

4. Owh kahooshquabeshked kuhya owh nabahdezede tahketemahgezewug. *Prov. xxiii. 2.*

5. Kagoo mahdahahdookan oomekunemewaun egewh majeëzhewabezejeg kuhya kagoo ezhahkan emuh anduhnezewaud egewh mujjeñeneeg, ulnemewaushkan kagoo emuh peezhahkan Quaketun Mahjaun edush, ewh muh oodenahdezewaun egewh majeezhewabezejeg sunnuggudene. *Prov. iv. 14, 15, xiii. 15.*

6. Mahnoo owh enene tabahnookée emuh oonenjeeng che-ahnookahdung e-ewh wanesheneneg e-ewh dush nuh chekuhketoed gagoo, manazenejen chemeenaud. *Eph. iv. 28.*

Nahunduhmoowen.

7. Ahzhe nendakekenuhahmahgoo e-ewh egoo menek dabanahmaun chenuhanduhmaun. *Phil. iv. 11.*

8. Nahandahmook enewh uhycéen tabenuhwawezeyagoon Kesha Muhnedoo muh keekedoo, kahween wekah kegahnungunesenoon kah kuhyā kegahwabenesenoon. *Heb. xiii. 5.*

9. E-ewh sahgeend owh shooneyah me emuh wauzekahmahguk kuhkenuh mujjeuhycēewesh. *1 Tim. vi. 10.*

10. Ayahmung mejem kuhyā algewen Mahnoo nuhandundahnen enewh. *1 Tim. vi. 8.*

Ahgunwatahdezoowen.

11. Keshpen egoo ahweyah enene ekedoo owh *Bamahjeenung* wenuhnoopenuhzhed Mahnoo suh tahahgunwatahdezoo kuhyā oogahoodahpēnaun anduhsōo kezheguddeneg e-ewh oodahzhedayahategoom. *St. Luke, ix. 23.*

12. Ahneen owh enene oondezed mesuhwah kedebandung ewh uhkēe anegooquahneneg, tebenuhwa oojechaugwun wuh neaud. *St. Matthew, xvi. 26.*

Nahnahgahdahwanduhmoowen.

13. Nengenahnahgahdahwandahnun enewh nendezhewabezewenun emuh dush kedebahjemooeneneg nengeezhequakenahnun enewh nesettun Nengewawebez kuhyā kahween neketemeshkese chegunnahwandahmaun enewh kekuhgequawenun. *Psaln cxix. 59, 60.*

14. Kedekedoowen emuh nendaeng nengeahsunjagoon e-ewh dush nuh chemujjedoodoosenoonau. *Psaln cxix. 11.*

15. Nebwahkahkummegezek netahahkundooyook owh muh ahyahzhedashkoonenag Mujje Muhnedoo undahgoo wambegezed mezhebesheeng pahbahahyenoosa nundahwahbuhmaud kaūmwahpūneen. *1 Peter, v. 8.*

16. Ahkundooyook kuhyā ahnuhmeang kuhnuhga dush nuh cheūzhahsewag emuh kuhgwajeedeweneng. *St. Matthew, xxvi. 41.*

17. Kekenoowahjeëk egewh wahkoojetoojeg chepuhpuh-kaëdeng kuhyia chemujjeenandeng. *Rom.* xvi. 17.

18. Neweejekewayemaug kuhkenuh egewh quasegek kuhyia egewh ganuhwandungeg kekuhgaundwawenun.—*Psaln* cxix. 63.

Kuhgatenemezewen; Mahjegeng emuh quhyukahnahmeahwen-eng.

19. Tuhguh ashkum menoozehwabezedah peenesh egoo chetakezhetahyung; debeshkoo azhe peenezed owh kahoon dummenag, me nahsub kuhyia kenuhwah, weezhepeenah-dezek nenpeenez muhneen. *Heb.* vi. 1. 1 *Pet.* i. 15, 16.

20. Kahween kedahuyakoosesemen emuh menoodoodah-mooweneng; uhpe dush ween debeshkooa kezhegud kegah mahmoonahmen keshpen noonda aunwanjegasewung. *Gal.* vi. 9.

21. Oo oo suh nendezhemoojegezemen azheweendahmah-guwenahguk nendenandemoowenenahmen e-ewh emuh menoozehwabezeweneng kuhyia emuh peenezewene-kuhgate-nahmezeweneng kahween emuh weyahsewene nebwahkahweneng emuh atuh Kesha Muhnedoo ooshahwanjegawene-owedookahgaweneng kedahyahmung e-ewh nedezhetwahwenenahmen oomah uhkeeng. 2 *Cor.* i. 12.

22. Nuhmunj egoo ayendoodahmoowagwan kezhegekah-mook debeshkoo goo anookeetahwagoon owh Tabanenga kahween egewh enenewug. *Gol.* iii. 23.

CHAPTER XVI.

Azhewabuh kegaegoowen kuhyia puhzhunzhaegoowen.

1. Quhyukahnahmeahwen mahmahwe wandud ahyah-moomahguk e-ewh weendahmahgawen chemenoobemah-dezeyung noongoom, e-ewh edush kuhyia nahguy kabemah-dezeyung. 1 *Tim.* iv. 8.

2. Ahnooj uhyeëen mahmahwe ooduhnookeetahmahgoonahwah egewh sahyahgeahjeg Kesha Muhnedeon cheshah-wandahgoozewaud.

3. Keen Oh Kesha Muhnedoo emuh wahweenga pezaun-

bemahdezeweneng kegahezhegunnahwanemeah owh apamek. *Isaiah*, xxvi. 3.

4. Kah kuhnuhga oodahyaunseen e-ewh pezaunerewen owh majeezhewabezed, ekedoo Jehovah. *Isaiah*, xlviii. 22.

5. Benuh nenbekezhekah nentebahmahdewen nepeetoon chekadeshkenamahwugwah kuhkenuh enenewug debeshkoo goo anandahgwuddeneg ooduhnookewenewaun. *Revelations*, xxii. 12.

6. Shaliwandahgoozewug suh egewh naboojeg emuh Tabanenga ooduhnuhweah ney nabooand abuwabewug muh menek kahahnookewahpun. *Revelations*, xiv. 3.

7. Shahwandahgoozewug suh egewh andoodungeg enewh ookuhgequawenun ewh dush chedebandahmoowaad enewh bemahdezewene meteg kuhya cheuhnepeendegawaud eshquaundameweng ewh oodanah. *Revelations*, xxii. 4.

8. E-ewh ooshkenzhek kah-mushe kewahbundahmahgussenoon e-ewh ootuhwug kah-mushe noondahgamahgussenoon kah kuhya kepeendegamahgussene emuh oodaeng owh enene *wetakekandung* enewh Kesha Muhnedoo sahyahgagoojen kahkezhetaimahwahjen. *1 Cor.* ii. 9.

9. Emuh anabsahsuhmubheyun dahgoomahrud bechamoojegezewen, emuh kekechenekaung kahgega oonahnegoozewenun. *Psaln* xvi. 11.

Ewh Eshquuseng.

10. Jesus Christ suh ahzheooodoshtequannekaun e-ewh wuhyaquahyahgebun kah kuhya engooche bekennoong ahyahmahgussenoon e-ewh bemahjeewawen kah muh gagoo pakaanuk enoozoowen kegemeenegooosenaun oomah anegookwang uhkee kaoonjebemahjegoooyungoobun. *Acts* iv. 12.

11. Tuhguh noondundah e-ewh goo wuhyaquahyahyang ewh mahmahwe undahwandahgoozewen; koosék owh Kesha Muhnedoo kuhya kuhnuhwardahmahwek enewh ookuhgequawenun, me muh oo azheundahwandahgoozed owh enene Owu muh Kesha Muhnedoo oogahtebahkooaanun kuhkenuh ezchechegawenun Ahnooj goo kakemoodakken Wanesheshenoogwan gamah mahyahnahduhdoo~~gan~~. *Ecclesiastes*, xii. 13, 14.